


Ka Moporesidente
Thomas S. Monson



Baperofeti go Re Kaela

Dingwaga di sekae tse di fetileng, ke ne ke ntse mo ntlwaneng ya Tempele ya Salt Lake kwa Boporesidente jwa Ntlha le ba Khoramo ya Baaposetole ba ba Lesome le Bobedi ba kopanelang gone gangwe mo bekeng. Ka lebelela kwa loboteng le le lebaganyeng le Boporesidente jwa Ntlha, mme koo ka ela tlhoko setshwantso sa nngwe le nngwe ya Diporesidente tsa Kereke.

Jaaka Ke ba lebeletse, ba ke ba tlhatlhamang—go tswa ka Moperofeti Joseph Smith(1805–44) go Moporesidente Gordon B. Hinckley (1910–2008)—ka akanya, “ka fa ke itumelelang kaelo ya mongwe le mongwe wa bone.”

Ba ke banna ba ba golo ba ka gope ba sa belaelang, ka gope ba sa thetheekelang, e bile ka gope ba sa tlhaelang. Ba ke banna ba Modimo. Jaaka ke akanya ka baperofeti ba metlha ya gompiano ba ke ba itsileng mme ke ba ratile, ka gakologelwa matshelo a bone, mekgwa ya bone, le dithuto tse ditlholtheleditsweng tsa bone.

Moporesidente Heber J. Grant (1856-1945) e ne e le Moporesidente wa Kereke fa ke tsholwa. Jaaka ke gopola botshelo jwa gagwe le dithuto ke dumela popego e Moporesidente Grant a e kaileng ka metlha e le eo ya go sa ineeleng—go sa ineeleng mo dilong tseo tse di molemo le bogolo.

Moporesidente George Albert Smith e ne e le moporesidente wa Kereke ka nako ya motlha o ke neng ke direla jaaka bishopo ya tebelo ya me mo Salt Lake City. A lemoga gore go na le ntwaga e kgolo e e diragalang ma gare ga

Morena le mmaba. “Fa o nna mo tlhakoreng la mola wa Morena,” o rutile, “o tlaa nna ka fa tlase ga thata ya gagwe mme ga o kake wa nna le keletso ya go dira phoso.”¹

Ke biditswe go direla jaaka leloko la Khoramo ya ba ba Lesome le Bobedi ka 1963 ke Moporesidente David O. McKay(1873-1970). O rutile tlhokomelo ya ba bangwe ka mokgwa o a neng a tshela botshelo jwa gagwe. “Bokeresete jwa Boammaaruri,” o boletse “ke lorato mo tirisong.”²

Moporesidente Joseph Fielding Smith (1876-1972), mongwe wa bakwadi ba ditsala thata tsa Kereke, o na le kaelo ya melawana mo botshelong jwa gagwe jwa efanengele jaaka borutegi. O ne a bala dikwalo tse di boitshepo ka go sa khutleng mme o ne a itse dithuto le thuto tse di fitlhelwang mo ditsebeng tsa tsone jaaka ope yo ke kileng ka mo itse.

Moporesidente Harold B. Lee (1899–1973) o dirile jaaka poresidente ya me ya lomapo fa ke le mosimane. Nopolo ya gagwe e e rategang e ne e le “ Emang mo mafelong a boitshepo, mme lo se tshikenyege.”³ O kgothaditse Baitshepi go nna ba eketleeditse, le go araba di tshebetso tsa Mowa o o Boitshepo.

Ke dumela molawana o o kaelang mo botshelong jwa Moporesident Spencer W. Kimball (1895–1985) o ka nna tshwaelo. O ne gotlhelele, a ineetse go sa belaelege go Morena. O ne le ene a ineetse go tshelela efangele.

E rile Moporesidente Ezra Taft Benson (199–1994) a nna Poresidente ya Kereke, a mpitsa go direla jaaka Mogakolodi wa gagwe wa Bobedi mo Boporesidenteng jwa Ntlha.

Lorato e ne e le molawana wa gagwe wa kaelo, o o akara-ditsweng mo nopolong ya gagwe e e rategang, e e bole-tsweng ke Mmoloki: “Re tshwanetse go nna batho ba ba ntseng jang? Ammaaruri ke a lo raya, fela jaaka ke ntse.”⁴

Moporesidente Howard W. Hunter (1907–95) e ne e le mongwe yo ka metlha a lebeleletseng molemo mo go ba bangwe. Ka metlha o ne a le maitseo, ka metlha o ne a le boikobo. E ne e le lobaka lwa me go direla jaaka Mogakolodi wa gagwe wa Bobedi.

Moporesidente Gordon B. Hinckley o re rutile go dira bo jolthe jwa rona. O supile tshupo e e nonofileng ya Mmoloki le thomo ya gagwe. O re rutile ka lorato. Go direla jaaka Mogakolodi wa gagwe wa Ntlha e ne e le tlotla le tshagofatso mo go nna.

Mmoloki o romela baperofeti gonne wa Re rata. Ka nako ya khonferense ya kakaretso ka Phalane o, Balaodi ba kakaretso ba Kereke gape ba tlaa nna le lobaka la go abelana lefoko la gagwe. Re atamela maikarabelo a ka masisi a magolo le boikokobetso.

Re segofetse jang gore kereke ya ga Jeso Kereste e e tsosolositswe mo lefatsheng le gore Kereke e thaetswe mo lefikeng la tshenolo. Tshenolo ya gale ke yone botshelo jwa efangele ya ga Jeso Keresete.

A re ka ipakanyetsa go amogela tshenolo ya esi eo e tlang ka bogolo ka nako ya khonferense ya kakaretso. A dipelo tsa rona di tladiwe ka maikaelelo a boteng jaaka re tsholetsa diatla tsa rona go kokotletsa baperofeti ba tshedileng le baaposetole. A re ka bonesiwa, tsholediwa, gomodiwa le go thatafadiwa jaaka re reetsa melaetsa ya bone. Mme a re ka iketleeletsa go ineela gape go Morena Jeso Keresete—efangele ya Gagwe le tiro ya Gagwe—le go tshela ka tswetso e shafaditsweng mo go tshagetseng ditaello tsa Gagwe le go dira thato ya gagwe.

DINTLHA

1. *Dithuto tsa Boporesidente jwa Kereke: Albert Smith* (2011), 191.
2. *Dithuto tsa Boporesidente jwa Kereke: David O. McKay* (2003), 181.
3. Dithuto le Dikgologano 87:8
4. 3 Nifae 27:27.

GO RUTA GO TSWA MOLAETSENG O

Moporesidente Monson o abelana dithuto tse a di ithutileng mo baperofeting pele gagwe. Mme le

gone o re gakolola gore “Mmoloki o romela baperofeti gonne O a re rata.” Mo go direleng go bao ba o ba rutang, o ka bua ka fa baperofeti le baaposetole ba leng ditshupo tsa lorato lwa Modimo la rona. Ela tlhoko go abelana kgakololo go tswa mo dipuisanyo tsa khonferense ya kakaretso e e fetileng tsa ga Moporesidente Monson. Laletsa bao o barutang go ipakanyetsa khonferense ya kakaretso ka go sekaseka dipuo tseo tse bogolo segolo di ba tlhotlheleditseng le go ba thusa go utlwa lorato lwa Mmoloki.

BANANA

Re a go Leboga, Ao Modimo, ka ga Moperofeti

Moporesidente Thomas S. Monson, moperofeti lwa rona, o go rotloeditse jang? Ke eng se o tlaa se gakologelwang bogolo ka ga gagwe? Ela tlhoko go kwala mo jenaleng ya gago ka ga Moporesidente Monson le botshelo jwa gagwe—segolo jaaka a tlhalosa mo molaetseng o kgothatso ya moperofeti mongwe le mongweamo gakologelwang.

Le gone o ka batla go itschenkela kinolo e e rategang go tswa mo go ene mme o e kwale kwa o tlaa e bonang gantsi, jaaka mo baentareng kgotsa mokwalonyana mo ntlwaneng ya gago. O ka dira le e leng inolo ya setshwantsho go tswa mo go yone mme wa e dira le morago la fone ya gago! Nako nngwe le nngwe ye o bonang inolo, o ka akanya ka botlhokwa jwa moperofeti yo o tshedileng mme wa gakologelwa gore o teng go re rata le go re kaela gompieno.

O ka tsaya pina ' Re a go Leboga, Ao Modimo ka ga Moperofeti' kwa [lds.org/go/9176](https://www.lds.org/go/9176)

BANA

Baperofeti ba Re Kaela go Keresete

Mmoloki o re naya baperofeti gonne O a re rata. Go sala morago baperofeti go re thusa go itschenkela tshiamo. Ke dilo dife di le pedi tse o ka di dirang go sala morago moperofeti?



Tumelo Lelwapa Thuso

Ka bongwe jwa Pelo

*Ka thapelo ithute tiriso e mme o batle tlhotlhetso go itse se o ka se abelanang.
Go tlhaloganya boikaelelo jwa Mokgatlo wa Thuso go tlaa baakanyetsang jang
bomorwadie Modimo masego a botshelo jo bo sa khutleng?*

“Mme Morena a bitsa batho ba gagwe Sione, gonne e ne e le ba pelo e nngwe le tlhaloganyo, mme ba nna mo tshiamong; mme go ne go sena mohumanegi mo gare ga bone” (Moshe 7:18). Re ka nna bangwe jang?

Mogolwane M. Russel Ballard wa Khoramo ya Baaposetole ba ba Lesome le Bobedi a re: “Kwa boteng jwa lefoko la Sekgoa *tetlanyo* ke lefoko *bongwe*. Fa batho botlhe ba tlhaloganya se, ka gope ga go ne go nne le ope yo ka ene re se kitlang re tlalelwa, go sa re sepe botsofadi, letso, bong, tumelo, kgotsa setho kgotsa seemo sa itsholelo. Re tlaa leka go etsa Mmoloki mme ga re nke ka gope re tlhoka botho, re ipapanya, re sa tlotle, kgotsa go tlhokomologa ba bangwe.”¹

Mopresidente Henry B. Eyring, Mogakolodi wa Ntlha mo Bopresidente jwa Ntlha, o rutile: “Kwa batho ba nang le Mowa mo go bone, ba ka solofela kagisano. . . . Mowa wa Modimo ka gope ga o simolole kganetsano (bona 3 Nephi

11:29). . . . E gogela go kagiso ya bo esi le maikutlo a bokopano le ba bangwe.”²

Ke bua ka dikgwetho tsa lelwapa Carole M. Stephens, yo a diretseng jaaka Mogakolodi wa Ntlha mo Bopresidenteng jwa Kakaretso jwa Mokgatlo wa Thuso, o rile: “ga ke ise ka gope ke nne le go tshela ka tlhalo, botlhoko, le go tlhoka pabalesego mo go tsisiwang ke go tlogelwa, kgotsa maikarabelo a amang a go nna motsadi a le esi. Ga ke a itemogela loso lwa ngwana, boopa, kgotsa kgatlhego ya bong jo bo tshwanang Ga ke a nna le go itshokela kgobo, malwetsi a seemera, kgotsa ikaega. Ano e ntse e se mabaka ame a gwalatsang.

“. . . Mme *katsa meditlhotlhomiso* le diteko . . . ke itsanye sentle le Mongwe yo o tlhaloganyang. . . . Mme mo tshobokanyong, Ke itemogetse tsotlhe tsa diteko tsa mo go swang tseo ke sa tswang go di umaka ka leitlho la morwadi, mme, mmemogolo, kgaityadi, mmangwane, le tsala.

Lobaka lwa rona jaaka barwadie Modimo ba ba tshegetsang dikgolagano ³ga se fela go ithuta mo dikgwethong tsa rona; ke go kopana mo go tlhomogeleng pelo le bopelotlhomogi jaaka re kokotlela ba bangwe ba lelwapa la Modimo mo ditshokolong tsa bone.”

Dikwalo tse di Boitshupo tsa tlalaletso le Molaetsa

Johane 17:20–3;; Baefesia 4:15 ;Mosa 18:21–22;4 Nifae 1:15; reliefsociety.lds.org

DINTLHA

1. M. Russell Ballard, “Tefo le boleng jwa Mowa o le Mongwe,” *Liahona*, Motshegano 2004, 36.
2. Henry B. Eyring, “Gore Re Nne Bangwefela,” *Ensign*, Motshegano 1998, 67.
3. Carole M. Stephens, “Lelwapa ke la Modimo,” *Liahona*, May 2015, 11–12

Ela tlhoko Se

Bokopano le ba bangwe bo ka re thusa jang go nna bangwefela le Modimo?